

O'zbekiston Respublikasi  
Kambag'allikni qisqartirish va bandlik  
vazirligi huzuridagi  
Oila va xotin-qizlar qo'mitasining  
2023-yil 31-martdag'i 29-son  
buyrug'iiga 6-ilova

**O'zbekiston Respublikasi Kambag'allikni qisqartirish va bandlik vazirligi  
huzuridagi Oila va xotin-qizlar qo'mitasi, uning hududiy bo'linmalari xodimlari  
hamda mahallalardagi xotin-qizlar faollarining etika va korrupsiyaga qarshi  
kurashish sohasida o'qitilishini tashkil etish bo'yicha**

**YO'RIQNOMA**

**1-bob. Umumiy qoidalar**

1. Ushbu Yo'riqnomada O'zbekiston Respublikasi Kambag'allikni qisqartirish va bandlik vazirligi huzuridagi Oila va xotin-qizlar qo'mitasi (keyingi o'rinni - Qo'mita), uning hududiy bo'linmalari hamda mahallalardagi xotin-qizlar faollarida (keyingi o'rinni - Qo'mita tizimi) xodimlarning etika va korrupsiyaga qarshi kurashish masalalari bo'yicha o'qitilishini tashkil qilish yuzasidan tavsiya va qo'llanmalarni belgilab beradi.

2. Ushbu Yo'riqnomada korrupsiyaviy harakatlarning oldini olish va ularni sodir qilishga xizmat qiladigan sabablarni bartaraf etish, xodimlarning huquqiy ongini oshirish va ularni O'zbekiston Respublikasi qonunchiligi va qo'mita tizimining boshqa ichki hujjatlariga qat'iy rioya qilish ruhida tarbiyalashga qaratilgan.

3. Qo'mita tizimi xodimlarini etika va korrupsiyaga qarshi kurashish sohasida o'qitish (keyingi o'rinni - O'qitish) dasturlari va materiallari O'zbekiston Respublikasi qonunchiligi va ushbu Yo'riqnomaga muvofiq ishlab chiqiladi.

**2-bob. O'qitishning asosiy tamoyillari**

4. Qo'mita tizimi xodimlarini O'qitish quyidagi tamoyillarga asoslanadi:

**xolislik va ilmiylik** – etika va korrupsiyaga qarshi kurashish sohasidagi o'quv materiallarni tayyorlash uchun mas'ul shaxslar ularning O'zbekiston Respublikasi qonunchiligi talablari, xalqaro standartlar hamda etika va korrupsiyaga qarshi kurashish nazariyasi va amaliyatiga doir ilmiy tadqiqotlar natijalariga muvofiqligini ta'minlaydi;

**amaliy jihatdan qulaylik** – qo'mita tizimi xodimlarini O'qitish shakllari, usullari va materiallari amaliy ahamiyatga ega bo'lishi, real vaziyatlarga asoslanishi, shuningdek xodimlar tomonidan olingan bilimlarni tushunish darajasi va ularni aniq amaliy vazifalarni hal etishda qo'llash imkoniyatini nazorat qilinishini o'z ichiga olishi lozim;

**ketma-ketlilik va tizimlilik** – etika va korrupsiyaga qarshi kurashish sohasidagi o'quv materiallari, shuningdek qo'mita tizimi xodimlarini o'qitish tartibi izchil va tuzilmaviy-mantiqiy tizimni ifodalaydi. O'qitish umumiyligi tushunchalar va voqeliklardan juz'iyalariga, oddiyidan murakkabga, boshlang'ichdan mukammalga va h.k o'tish asosida amalga oshiriladi;

**hammabopliz** – o‘qitish qo‘mita tizimi xodimlarining joriy bilimlari va ko‘nikmalarini hisobga olish, qo‘mita tizimining barcha xodimlari uchun tushunarli bo‘lgan o‘quv materiallarini shakllantirish;

**differensialangan yondashuv** – qo‘mita tizimida korrupsiyaga qarshi o‘qitish aniq funktsiyalar va tartib-taomillardagi korrupsiyaviy xavf-xatar natijalarini hisobga oladi. Korrupsiyaviy xavf-xatarlarga eng ko‘p moyil bo‘lgan lavozimlarni egallab turgan xodimlar korrupsiyaga qarshi qo‘srimcha ravishda maxsus o‘qitiladi;

**o‘qitish usullari va shakllarini doimiy ravishda takomillashtirish** – qo‘mita tizimi o‘quv materiallarini ishlab chiqish, o‘qitish, shuningdek qo‘mita tizimi xodimlari tomonidan bilimlar o‘zlashtirilganini tekshirish vaqtida texnik va ilmiy taraqqiyotning innovatsion yutuqlaridan foydalanishga harakat qiladi.

### **3-bob. O’qitishning ustuvor vazifalari**

5. O’qitish shakllari va usullarini aniqlashda, shuningdek etika va korrupsiyaga qarshi kurashish sohasidagi o‘quv materiallarini shakllantirishda qo‘mita tizimi xodimlarini etika va korrupsiyaga qarshi kurashish sohasida o‘qitish uchun mas’ul shaxslar quyidagi ustuvor vazifalarga tayanishi lozim:

korrupsiya mohiyati, uning jamiyat hayotining turli sohalari, qo‘mita tizimining funktsiya va tartib-taomillarida paydo bo‘lish shakllari va o‘ziga xos jihatlari, sabablari, ijtimoiy jihatdan xavfli va zararli oqibatlari to‘g‘risida umumiy tasavvurni shakllantirish;

O‘zbekiston Respublikasi qonunchiligi, qo‘mita tizimining Korruptsiyaga qarshi kurash siyosati bilan belgilangan etika va korrupsiyaga qarshi xulq- atvorning ahloqiy qadriyatlarini va qo‘mita tizimining boshqa ichki hujjatlariga qat’iy va so‘zsiz rioya qilishga asoslangan xulq-atvor modelini shakllantirish;

Qo‘mita tizimi xodimlarini qo‘mita tizimida amal qiluvchi korrupsiyaga qarshi kurash tamoyillari, talablari va tartib-taomillari bilan tanishtirish;

korrupsiyaviy xavf-xatarlarni kelib chiqishiga xizmat qiluvchi shart-sharoitlarni aniqlash va ularning oldini olish qobiliyatini shakllantirish, korrupsiyaviy xulq-atvor, qo‘mita tizimining etik xulq-atvor qoidalari buzilishiga nisbatan toqatsizlikni namoyon etish.

### **4-bob. O’qitishni ishlab chiqish va o‘tkazishga mas’ul shaxslar**

6. Qo‘mita tizimining kadrlar tuzilmalari qo‘mita tizimi xodimlarini O’qitish rejalarini tayyorlash, tegishli o‘quv materiallarini ishlab chiqish, o‘qitish, shuningdek qo‘mita tizimida bunday o‘qitishni monitoring va nazorat qilish uchun mas’uldir.

7. Qo‘mita markaziy apparati komplayens nazorati bo‘yicha bosh mutaxassis (keyingi o‘rinlarda – Bosh mutaxassis) qo‘mita tizimi xodimlarini O’qitish rejalarini tayyorlashda ishtiroy etadi, korrupsiyaga qarshi kurash sohasidagi o‘quv materialarni ishlab chiqadi, o‘qitish o‘tkazilishini muvofiqlashtiradi.

8. Qo‘mita tizimining Kadrlar tuzilmalari o‘qitish intizomiy va unga doir axborotlar yig‘ilishini nazorat qiladi.

9. Qo‘mita tizimi Komplayens nazorat xizmati bosh mutaxassisini va Kadrlar tuzilmasi tegishli tajribaga ega xalqaro yoki mahalliy tashkilotlar bilan tuzilgan

shartnomalar (qo‘mita tizimida belgilangan tartibda) asosida o‘quv materiallarini tayyorlash hamda O‘qitishni amalga oshirish uchun uchinchi shaxslarni jalg qilishi mumkin.

## **5-bob. O‘qitish turlari va shakllari**

10. O‘qitish quyidagi o‘quv dasturlarini ko‘zda tutishi lozim:

barcha xodimlar uchun korrupsiyaga qarshi umumiyl o‘qitish;

Qo‘mita tizimi xodimlarining etik xulq-atvori qoidalari bo‘yicha umumiyl o‘qitish;

korrupsiyaviy xavf-xatarga eng ko‘p moyil bo‘lgan lavozimlar uchun korrupsiyaga qarshi maxsus o‘qitish;

qo‘mita tizimida korrupsiyaga qarshi kurashish tizimining amal qilishi va rivojlanishi uchun mas’ul bo‘lgan xodimlar uchun korrupsiyaga qarshi maxsus o‘qitish.

11. Umumiyl korrupsiyaga qarshi o‘qitish va mahalla tizimi xodimlarining etik xulq-atvori qoidalari bo‘yicha umumiyl o‘qitish qo‘mita tizimining barcha xodimlari uchun majburiy hisoblanadi.

12. Qo‘mita tizimining barcha xodimlari uchun korrupsiyaga qarshi umumiyl o‘qitish amaliy yo‘naltirilgan bo‘lishi va quyidagi yangi bilimlarga ega bo‘lish yoki mavjud bilimlarni takrorlash imkoniyatini yaratishi lozim:

O‘zbekiston Respublikasining korrupsiyaga qarshi qonunchiligi, qo‘mita tizimining korrupsiyaga qarshi kurashish masalalari, jumladan o‘rnatilgan ta’qiqlar, cheklovlar, huquq va majburiyatlar, xizmat xulq-atvoriga qo‘yilgan talablar, qo‘mita tizimi xodimlarining korrupsiyaviy harakatlari aniqlanganda harakatlar ketma-ketligiga doir ichki hujjatlarini bilish;

korrupsiyaga qarshi kurashish, manfaatlar to‘qnashuvi va korrupsiyaga qarshi boshqa talablar sohasidagi huquqni qo‘llash amaliyotiga doir bilimlar;

olingan bilimlarni qo‘llash ko‘nikmalari, jumladan qo‘mita tizimining turli faoliyat sohalaridagi korrupsiyaviy xavf-xatarlarni baholash qobiliyati, qo‘mita tizimida o‘rnatilgan korrupsiyaga qarshi kurash choralarini amaliyotda qo‘llay bilish.

Korrupsiyaga qarshi umumiyl o‘qitish materiallariga kiritish uchun mazkur Yo‘riqnomaga 1-ilovada keltirilgan mavzulardan foydalanish tavsiya etiladi.

13. Qo‘mita tizimi xodimlarining etik xulq-atvor qoidalari bo‘yicha umumiyl o‘qitish qo‘mita tizimining barcha xodimlari uchun amaliy yo‘naltirilgan bo‘lishi va qo‘mita tizimida qabul qilingan etika tamoyillari va qoidalari doir yangi bilimlarga ega bo‘lish yoki bor bilimlar takrorlanishini ta’minlashi lozim.

14. Qo‘mita tizimi xodimlari umumiyl korrupsiyaga qarshi o‘qitish va qo‘mita tizimi xodimlarining etik xulq-atvori qoidalari natijalari bo‘yicha o‘rganilgan material qanchalik o‘zlashtirilgani va tushunilganligi hamda olingan bilim va ko‘nikmalarni amaliyotda qo‘llash imkoniyatini tekshirishga qaratilgan test sinovlari topshirishi lozim.

15. Qo‘mita tizimi xodimlari savollarning kamida 80 foiziga to‘g‘ri javob bergen taqdirda korrupsiyaga qarshi umumiyl o‘qitish va qo‘mita tizimi xodimlarining etik xulq-atvori qoidalari muvaffaqiyatli o‘zlashtirgan hisoblanadi. Agar xodim savollarning 80 foizidan kamiga to‘g‘ri javob bergen bo‘lsa, u takroriy test sinovlarini test topshirigan kundan boshlab 5 ish kuni ichida topshirishi mumkin.

16. Korrupsiyaviy xavf-xatarga eng ko‘p moyil bo‘lgan lavozimlar uchun maxsus korruptsiyaga qarshi o‘qitish korrupsiyaga qarshi umumiyl o‘qitishdan mustaqil (qo‘shimcha) ravishda o‘tkaziladi.

17. Korrupsiyaviy xavf-xatarga eng ko‘p moyil bo‘lgan lavozimlar ro‘yxati qo‘mita markaziy apparati va hududiy, tarkibiy bo‘linmalarida korrupsiyaviy xavf-xatarlarni baholash uslubiyotiga muvofiq shakllantiriladi.

18. Korrupsiyaviy xavf-xatarga eng ko‘p moyil bo‘lgan lavozimlar uchun korrupsiyaga qarshi maxsus o‘qitish quyidagilar to‘g‘risidagi ma’lumotni o‘z ichiga olishi lozim:

korrupsiyaviy xavf-xatarga eng ko‘p moyil bo‘lgan aniq funktsiya va tartib-taomillardagi korrupsiyaviy xavf-xatarlarni aniqlash va minimallashtirish usullari;

korrupsiyaviy xavf-xatarga eng ko‘p moyil bo‘lgan aniq funktsiya va tartib-taomillardagi korrupsiyaning namoyon bo‘lish shakllari va turlari;

uchinchi shaxslar bilan o‘zaro aloqa qilishda korrupsiyaviy xavf-xatarga eng ko‘p moyil bo‘lgan aniq funktsiya va tartib-taomillarga xos bo‘lgan korrupsiyaga qarshi talablar;

korrupsiyaviy xavf-xatarga eng ko‘p moyil bo‘lgan aniq funktsiyalarni amalga oshirishda qo‘llaniladigan qo‘shimcha talab va tartib-taomillarni o‘z ichiga oluvchi ichki hujjatlar.

19. Qo‘mita tizimida korrupsiyaga qarshi kurashish tizimining amal qilishi va rivojlanishi uchun mas’ul xodimlarni korrupsiyaga qarshi maxsus o‘qitish yiliga kamida bir marta malaka oshirish shaklida (seminar, trening va boshqa) korrupsiyaga qarshi kurash sohasidagi ekspertlarni jalb qilish, shuningdek bunday o‘qitishlarga ixtisoslashgan vakolatli uchinchi shaxslar (tashkilotlar) tomonidan tashkil etiladigan treninglarda ishtiroy etish orqali o‘tkaziladi.

20. Qo‘mita tizimida korrupsiyaga qarshi kurashish tizimining amal qilishi va rivojlanishi uchun mas’ul xodimlarni korrupsiyaga qarshi maxsus o‘qitish O‘zbekiston Respublikasining korrupsiyaga qarshi kurashish bo‘yicha qonunchiligidagi o‘zgarishlar, korrupsiyaga qarshi tizimlarni shakllantirish va davlat organlarida korrupsiyaning oldini olish tadbirlarini amalga oshirish borasidagi ilg‘or xalqaro metodikalarni o‘rganishni o‘z ichiga olishi lozim.

21. Ushbu Yo‘riqnomaning 19-bandida ko‘rsatib o‘tilgan malaka oshirish va treninglardan o‘tish yiliga kamida 10 (o‘n) soatni o‘z ichiga olishi lozim.

## **6-bob. O‘qitish muddatlari va davriyligi**

22. O‘qitish O‘zbekiston Respublikasi qonunchiligi va Qo‘mitaning ichki hujjatlarida ko‘zda tutilgan majburiy malaka oshirish doirasida o‘qitish, uchinchi shaxslar bilan qo‘shma konferentsiyalar, yig‘ilishlar, simpoziumlar o‘tkazilishidan qat’iy nazar amalga oshiriladi.

23. Qo‘mita tizimi xodimlari etika va korrupsiyaga qarshi kurash sohasida yiliga kamida bir marta o‘qitiladi.

24. Qo‘mita tizimi xodimlari quyidagi hollarda korrupsiyaga qarshi kurashish bo‘yicha yiliga bir martadan ko‘p o‘qitiladi:

xodim korrupsiyaviy xavf-xatarga eng ko‘p moyil bo‘lgan lavozimni egallab turgan bo‘lsa;

lavozimga tayinlanganda va rotatsiya qilinganda, agar shaxsning yangi lavozimi korrupsiyaviy xavf-xatarga eng ko‘p moyil bo‘lgan lavozimlar ro‘yxatiga kirsa;

qo‘mita tizimida korrupsiyaviy harakatlar bilan bog‘liq holatlar aniqlanganda yoki amalga oshirilayotgan funktsiya/tartib-taomilning korrupsiyaviy xavf-xatar darajasi ortganda;

Kambag‘allikni qisqartirish va bandlik vazirligi huzuridagi Oila va xotin-qizlar qo‘mitasi raisi qaroriga muvofiq.

25. Qo‘mita tizimiga ishga qabul qilingan yoki yangi lavozimga o‘tkazilgan xodimlar ishga kirgan yoki yangi lavozimga o‘tgan vaqtdan boshlab 30 kun ichida korrupsiyaga qarshi va qo‘mita tizimi xodimlarining etik xulq-atvori qoidalari bo‘yicha umumiy o‘qitilishi shart.

O‘quv sanasini belgilashda etika va korrupsiyaga qarshi kurashish sohasida o‘qitishning tasdiqlangan yillik jadvali, guruhda bo‘sh o‘rinlar borligi (kunduzgi o‘quv shakli uchun) va mazkur Bobning 22-23 bandlarida ko‘zda tutilgan o‘qitish muddatlari va davriyligiga amal qilish zarurati hisobga olinadi.

Keyingi korrupsiyaga qarshi umumiy o‘qitish va mahalla tizimi xodimlarining etik xulq-atvor qoidalari bo‘yicha umumiy o‘qitish barcha xodimlar uchun Kadrlar tuzilmasi tomonidan yiliga bir martadan kam bo‘lmagan davriylikda belgilanadi.

26. Xodim korrupsiyaviy xavf-xatarga eng ko‘p moyil bo‘lgan lavozimni egallab turgani bilan bog‘liq holatlarda yoki xodim shunday lavozimga tayinlanganda maxsus korrupsiyaga qarshi o‘qitish etika va korrupsiyaga qarshi kurash sohasida o‘qitishning yillik jadvalida belgilangan muddatlarda amalga oshiriladi.

27. Kadrlar tuzilmalari har yili O‘qitish jadvalini tuzadi va 31 dekabrgacha uni Kambag‘allikni qisqartirish va bandlik vazirligi huzuridagi Oila va xotin-qizlar qo‘mitasi raisiga tasdiqlash uchun taqdim etadi.

O‘qitish jadvalini tuzishda xodimlar tomonidan oldingi o‘qitish muddatlari hisobga olinadi.

O‘qitish jadvalida albatta o‘qitish kursi nomi, sanasi, shuningdek o‘qitish tayinlangan lavozimlar ko‘rsatiladi.

Tasdiqlangan jadvalga muvofiq Kadrlar bo‘limining mas’ul xodimlari o‘qitish boshlanishidan 10 ish kun oldin xodimlarni xabardor qiladi. Belgilangan muddatda o‘qish imkoniyati bo‘lmasa (*kunduzgi o‘quv shakli uchun, masalan yuqori mavsumiy yuklama, kasallik varaqasi, rejalashtirilgan ta’til singari asosli sabablar*), xodim o‘qish boshlanishidan 5 (besh) ish kunidan kechiktirmay o‘qishni boshqa sanaga ko‘chirish maqsadida Kadrlar tuzilmasini ogohlantirib qo‘yishi lozim.

## **7-bob. O‘qitish intizomini nazorat qilish va hujjatlarni saqlash**

28. Kadrlar tuzilmasi qo‘mita tizimi xodimlarining etika va korrupsiyaga qarshi kurash sohasida o‘qitilishiga doir ma’lumotlarni yig‘ib boradi va ularni har chorakda qo‘mita tizimining bosh mutaxassisiga taqdim etadi.

Bosh mutaxassis olingan ma’lumotlarni tahlil qiladi (jumladan, o‘quv intizomi, xodimlar uchun qiyinchilik tug‘dirayotgan mavzular va test savollari) va tahlil natijalarini korrupsiyaga qarshi tizimning amal qilishi va rivojlanishi masalalari bo‘yicha doimiy hisobotlarga kiritilishini, shuningdek o‘quv materiallari korrektirovka qilinishini (zarurat tug‘ilganda) ta’minkaydi.

29. Xodim unga tayinlangan o‘quv yoki uning natijalari bo‘yicha test sinovlarini belgilangan muddatlarda o‘tmasa, Kadrlar tuzilmasi rahbari bunday xodimning rahbarini unga nisbatan tegishli qaror qabul qilish maqsadida ogohlantiradi.

30. O‘qitish jadvali, yo‘qlama varaqalari, test natijalari, xodim o‘qiganligini tasdiqllovchi boshqa hujjatlar Kadrlar tuzilmasida saqlanadi.

## **8-bob. Yakuniy qoidalar**

31. Ushbu Yo‘riqnomaga O’zbekiston Respublikasi qonunchiligi va qo‘mita tizimining ichki hujjatlaridagi o‘zgarishlar qiritilganda, korrupsiyaga qarshi o‘qitishni tashkil etish sohasidagi ilg‘or xalqaro amaliyot o‘zgargan taqdirda qayta ko‘rib chiqiladi. Boshqarma Yo‘riqnomaga o‘zgartirish kiritish uchun javobgar hisoblanadi.

32. Qo‘mita tizimi xodimi egallab turgan lavozimi, ish staji, mavqeい va boshqa omillardan qat’iy nazar mazkur Yo‘riqnomaning tamoyillari va talablariga rioya qilish uchun shaxsan javobgar hisoblanadi.

O'zbekiston Respublikasi Kambag'allikni qisqartirish va bandlik vazirligi huzuridagi Oila va xotin-qizlar qo'mitasi, uning hududiy bo'linmlari xodimlari hamda mahallalardagi xotin-qizlar faollarining etika va korrupsiyaga qarshi kurashish sohasida o'qitilishini tashkil etish bo'yicha yo'riqnomaga 1-ilova

**Qo'mita tizimi xodimlarini korrupsiyaga qarshi kurashish umumiyligi o'qitishning  
TAXMINIY MAVZULARI**

<b>Mavzu</b>	<b>Komponentlar</b>
Korrupsiyaning tabiatи	Korrupsiya tushunchasi, uning shakllari va sabablari; Korrupsiyaning ijtimoiy-huquqiy hodisa sifatidagi mazmuni; Jamiyatda korrupsiyaga munosabat.
Korrupsiyaga qarshi kurashishning huquqiy asoslari	Korrupsiyaga qarshi kurashish sohasidagi qonunchilik; Qo'mita tizimida korrupsiyaga qarshi kurashishga doir ichki hujjatlar; Korrupsiyaga qarshi kurashish bo'yicha xalqaro amaliyot.
Qo'mita tizimida korrupsiyaga qarshi kurashish usullari	Qo'mita tizimidagi korrupsiyaga qarshi kurashish tizimi elementlari, shuningdek muhim chora-tadbirlar sharhi; Qo'mita tizimidagi manfaatlari to'qnashuvining oldini olish, aniqlash va tartibga solish; Qo'mita tizimining korrupsiyaga qarshi kurashish siyosati; Korrupsiyaga qarshi kurashish sohasidagi xodimlar va tarkibiy bo'linmalarning majburiyat va vakolatlari; Ma'muriy tartib-taomillar va reglamentlardan foydalanish. Ma'muriy to'siq va byurokratizmni bartaraf etish; Korrupsiyaviy harakatlar/ularni sodir etish xavfi yuzaga kelgan vaqtdagi harakatlar; Korrupsiyaviy harakatlar to'g'risida xabar berish (xabarlarni uzatish kanallari, xabarlar mazmuniga doir Yo'riqnomasi, xabarlarni ko'rib chiqish tamoyillari).
Korrupsiyaviy xavf-xatarlar va tipik korruptsiyaviy harakatlar	Qo'mita tizimidagi xavf-xatarlar va korruptsiyaviy harakatlarning asosiy turlari; Nazorat-ruxsat berish funktsiyalari va tartib-taomillari doirasidagi korruptsiyaviy xavf-xatarlar; Sovg'alar va ishbilarmonlik mehmondo'stligi belgilari berish/olishdagi korruptsiyaviy xavf-xatarlar; Fuqarolar, kontragentlar va uchinchi shaxslar bilan o'zaro aloqalar bilan bog'liq korruptsiyaviy xavf-xatarlar; Xodimlarni mahalla tizimiga tanlab olish va ishga qabul qilishdagi korruptsiyaviy xavf-xatarlar; Xaridlarni amalga oshirish bilan bog'liq korruptsiyaviy xavf-xatarlar; Turli xizmat turlari, funktsiyalar uchun litsenziya berish, shuningdek litsenziya bitimlari talablari va shartlarini bajarish ustidan nazorat bilan bog'liq korruptsiyaviy xavf-xatarlar;

	<p>Binolarni ijaraga berish bilan bog‘liq korrupsiyaviy xavf-xatarlar;</p> <p>O‘zaro hamkorlik va Oila va xotin-qizlar davlat qo‘mitasi va uning hududiy bo‘linmalarida, mahallalardagi xotin-qizlar faoalari faoliyatini muvofiqlashtirish bilan bog‘liq korrupsiyaviy xavf-xatarlar;</p> <p>Tanlovlар bilan bog‘liq korrupsiyaviy xavf-xatarlar;</p> <p>Turli hujjat turlari ekspertizasini o‘tkazish, shuningdek ular ijrosini nazorat qilish bilan bog‘liq korrupsiyaviy xavf-xatarlar;</p> <p>Davlat nazoratini amalga oshirish bilan bog‘liq korrupsiyaviy xavf-xatarlar;</p> <p>Qo‘mita tizimi faoliyatidagi boshqa xavf-xatarlar.</p>
Korrupsiyaviy harakatlar uchun javobgarlik	<p>Korrupsiyaviy harakatlar uchun intizomiy javobgarlik;</p> <p>Korrupsiyaviy xarakatlar uchun jinoiy javobgarlik;</p> <p>O‘zbekiston Respublikasining korrupsiyaviy harakatlarga doir ishlari bo‘yicha sud amaliyoti sharhi</p>
Korrupsiyaga qarshi kurashishda fuqarolik jamiyati roli	<p>Jamoatchilik nazorati korrupsiyaga qarshi kurashish vositasi sifatida;</p> <p>Fuqarolarning huquqiy madaniyatini oshirish;</p> <p>Korrupsiyaga qarshi jamoatchilik fikri va xulq-atvorini shakllantirish;</p> <p>Fuqarolik jamiyati institutlarining Qo‘mita tizimi bilan o‘zaro hamkorligi.</p>